

Намозга шошилинглар!



17:00 / 25.05.2023 2295

Бу дунёнинг ташвишидан ортмай қолсам бир муддат,

Сокин бўлиш истарман, руҳимга керак мадад.

Бу қалб нечун сиқилар, бошимда нима ўйлар?

- Деб ҳаёлларим сурсам, бир овоз қўшиқ куйлар.

Йўқ! Бу қўшиқ эмасдир,

Жуда гўзал бир оҳанг.

Ижрочиси ким экан?

Дилга бу куй ҳамоҳанг.

Дер: «Фалаҳ»га шошилинг!

Дер: «Нажот»га шошилинг!

Яхшилаб қулоқ солсам,

Дер: Намозга шошилинг!

Хурсанд бўлиб кетдиму,

Тез покликка ошиқдим.

Жисму қалбнинг поклиги-

Таҳоратга ошиқдим.

Тайёрланиб, қўл боғлаб,

«Аллоҳ буюкдир!»-десам,

Танда бир нур порлади,

Чиройли ният қилсам.

Турурман хушу' билан,

Эгилсам хузу' билан,

Қабул этгин, деб мендан,

Саждада ражо билан

Ўнг томонда хуррамлик,

Чап томонда бахтсизлик.

Ортимдаги ҳамроҳим-

Кутар мени Азроил.

Гуноҳларим кўп, аммо,

Аллоҳдан умидим бор.

Буюк неъмат хоҳларман,
Менда шу илтижо бор.

Қилдим Роббимга ибодат,
У менга берди ҳаловат.

Эй мўминлар, тез туринг,
Юз-қўлингизни ювинг.

Намозга шошилинглар!

Нажотга шошилинглар!

Мақсудова Мадинабону Жаҳонгир қизи

Эслатма: Сиз ҳам «Ислом.уз-1444» танловида қатнашмоқчимисиз? Унда қуйидаги <https://islom.uz/maqola/19769> ҳавола орқали мусобақа шартлари билан танишинг ва танловда иштирок этинг!

Ушбу шеър Ўзбекистон Республикаси Дин ишлари бўйича қўмитанинг 2023 йил 10 майдаги 03-07/3450-рақамли хулосаси асосида тайёрланди.